

M132G: Lucidarius (Göl)

- 1r,1 rede vernement . der sie sich verstên niene können . iedoch sulen wir
gelouben daz
- 1r,2 er ie was unde iemer ist . dô . sprach . der . jungere . was er ie eine êr er
die werelt geschuof . dô .
- 1r,3 sprach . der . meister . er ne was niht eine wan diu geschepfede aller dirre
werelte was ie
- 1r,4 vore ime von aneginne . dô . sprach . der . jungere . durch waz geschuof
er die werelt . dô . sprach . der . meister .
- 1r,5 in gote sint drîe natûre . daz ist der gewalt unde diu wîsheit . unde diu
michel
- 1r,6 güete . durch – daz geschuof er die werelt daz er die drîe natûre dâr an
erzeigete .
- 1r,7 mit sîneme gewalte geschuof er dise werelt mit sîner wîsheite hât er sie
1r,8 gezieret . mit sîner güete hât er sie gestätiget . unde den mennischen erlöst
. dô .
- 1r,9 sprach . der . jungere . wie stuont iz êr diu werelt wurde . dô . sprach . der
. meister . dô was niuwan ein vinstere .
- 1r,10 diu hiez kaos . wan dô wâren diu vieriu elementa sament . dô . sprach . der
. jungere .
- 1r,11 welichiu wâren diu vieriu elementa . dô . sprach . der . meister daz viur
unde daz wazzer .
- 1r,12 unde diu erde unde der luft . dô sprach . der . jungere . waz geschuof got
allerêrst . dô . sprach . der . meister . dô
- 1r,13 tet er den himel . unde die erde . dâr nâch die engele . unde dâr nâch alliu
dinc
- 1r,14 dirre werelte . ze allerjungeste den mennischen . dô . sprach . der . jungere
. wie hiez der êrste engel .
- 1r,15 Natanael . den hæte got sô schônen geschaffen daz er betrogen wart von
deme
- 1r,16 grôzen übermuote . daz er verstôzen wart von dem himele in daz apgründe
. dô . sprach .
- 1r,17 der . jungere . wie lange was er in den himelischen êren dô . sprach . der .
meister . niht wan ein halbe
- 1r,18 wîle . dô . sprach . der . jungere . durh waz geschuof in got dô er wole
wiste daz er vallen solte .
- 1r,19 dô . sprach . der . meister . daz er die erwelten engele mite gestätigete .
wan vûre daz daz der tiuvel
- 1r,20 wart verstôzen . dô wurden die anderen engele sô veste in der gotes minne

- 1r,21 daz sie niemer mohten gewîchen von deme gotes lobe . dô . sprach . der .
jungere . wie kumet
- 1r,22 daz . dô . sprach . der . meister . dô der Luzifer unde sîne volgære gevielen
dô ne wisten die engele umbe
- 1r,23 daz hellewîze niht . dô sie dô gesâhen ze welichen noeten der tiuvel kom
von
- 1r,24 der gotes krefte . unde erkanten dô in welichen êren sie got behalten hæte
. dâ von
- 1r,25 viengen sie dâ ze der stæten gotes minne . dô . sprach der . jungere . wanne
wart diu helle geschaffen .
- 1r,26 in der selben wîle dô der satanâs des gedâhte daz er sich wider got sazte
- 1r,27 dô wart diu helle von deme gotes gebote . dô . sprach . der . jungere . wâ
ist diu helle . dô . sprach . der . meister . diu
- 1r,28 helle die wir dâ heizen die innere helle diu ist an dem ende der erde unde
ist an der stete
- 1r,29 dâ vore nebele unde vore vinstere niemer dechein lebender mennische
komen en mac . dô .
- 1r,30 sprach . der . jungere . hât diu helle grunt . dô . sprach . der . meister .
diu helle ist obene enge unde undene wît daz
- 1r,31 der wîte nieman ahte weiz . wan diu buoch sprechent daz manige sêlen
êwiclîche
- 1r,32 dâr in vallen . unde doch den grunt niemer besuochent . dô . sprach . der
. jungere . wie manigen namen
- 1r,33 hât diu helle . dô . sprach . der . meister . zehene . dô . sprach . der .
jungere . die solt dû mir sagen unde waz
- 1r,34 sie bediuten . dô . sprach . der . meister . sie heizet an der schrift lacus
mortis daz ist ein sê des
- 1r,35 tôdes wan die sêlen die in den selben helle koment die ne koment niemer
- 1r,36 dâr ûz . sie heizet ouch stagnum ignis daz ist ein hitze des viures wan also
der
- 1r,37 stein an des meres grunde niemer trucken wirdet alsô erkuolent die sêlen
niemer die
- 1r,38 dâr inne koment . sie heizet ouch terra oblivionis daz ist diu erde der
vergezzunge
- 1r,39 wan die sêlen die dâr in koment der ne wirdet vore gote ze güete niemer
- 1r,40 gedâht . sie heizet ouch terra tenebrosa daz ist diu vinstერი erde wan diu
zuovart
- 1r,41 der erde diu zuo der helle gêt diu ist iemer vol nebeles unde rouches . sie
heizet
- 1v,1 ouch Tartarus daz quît ein martere . wan dâ ist iemer weinen der ougen
- 1v,2 von deme rouche unde grisgramenne der zene von deme vrostē . sie heizet
ouch
- 1v,3 Gehenna daz ist ein viur der erde . wan daz viur der helle ist sô starc daz
unser
- 1v,4 viur vile kûme sîn schate wære . sie heizet ouch Erebus . daz quît trache .
wan diu

- 1v,5 zuovart unde diu tiefe der helle ist vol viurîner natûren die niemer ersterbent
.
- 1v,6 sie heizet ouch Barathrum daz quît swarziu ginunge . wan sie ginet biz
- 1v,7 an den jungesten tac wie sie die sêle verslinden mûgen . sie heizet ouch
Styx daz
- 1v,8 ist unvröuwede . wan dâ ist diu êwige unvröuwede . sie heizet ouch
Acherontia daz
- 1v,9 ist pfnessunge . wan dâ varent die tiuele ûz also die ganeiste in deme
eitovene .
- 1v,10 sie heizet ouch Phlegethon von eineme wazzere . daz durh die helle rinnet
.
- 1v,11 daz stinket von deme beche unde von deme swebele unde ist doch sô kalt
daz
- 1v,12 iz alliu hellewîze übertriffet . dô . sprach . der . jungere . wâ ist diu ober
helle . dô . sprach . der . meister . diu ist
- 1v,13 in maniger stete dirre werelte . ûf den hôhen bergen . unde in den inselen
. in deme
- 1v,14 mer . dâ brinnet swebel unde bech . dâ die sêlen inne werdent gewîzeget
die
- 1v,15 dô sulen werden erloeset . dô . sprach . der . jungere . wie ist der himel
geschaffen . dô . sprach . der . meister . den himel
- 1v,16 heizent diu buoch firmamentum daz quît vestenunge . der ist alsô
geschaffen daz er iemer
- 1v,17 loufet von ôstert hin in westert . dâ engegene löufet diu sunne . unde der
mâne unde
- 1v,18 die plânêten . dô . sprach . der . jungere . wie mac daz werden wanne wir
sehen wole daz diu sunne
- 1v,19 unde der mâne ôstert hin in westert loufent . dô . sprach . der . meister .
daz kumet dâ von wan
- 1v,20 der himel ist sô kreftic daz er die sunnen unde den mânen unde die stern
in ire ungewelte
- 1v,21 hin in westert vüeret swie ire reht doch wære daz sie ôstert under giengen .
- 1v,22 dô . sprach . der . jungere . durh waz geschuof got diz alsus . dô . sprach .
der . meister . durch daz diu himelische
- 1v,23 geschafft iht zerbreche . dô . sprach . der . jungere . wie kumet daz der
himel iemer löufet . dô . sprach . der . meister .
- 1v,24 under deme himele ist kein geschafft dâ der himel ûfe stê der ist sinewel
unde ist aller
- 1v,25 ebene gewegen unde hât von diu in got sô geschaffen daz er iemer loufe .
wan er an einer
- 1v,26 stat niht mohte gestân . dô . sprach . der . jungere . welicher slahte ist der
himel . dô . sprach . der . meister . der
- 1v,27 himel ist geschaffen ûzer den vier elementis den wir dâ heizen – unde ist
- 1v,28 gelich deme gevorenen wazzere . dô . sprach . der . jungere . wie maniger
ist der himele . dô . sprach . der . meister .
- 1v,29 der himele sint drîe . der eine ist von der erde unz an den mânen . der ander
ist von

- 1v,30 deme mânen unz an daz gestirne . der dritte ist unz obe deme firmamento
dâ got
- 1v,31 selbe inne ist unde sîne lieben . dô . sprach . der . jungere . ist in den zwein
himelen iht . dô . sprach . der . meister .
- 1v,32 von der erde unz an den mânen sint die übelen geiste die heizent –
- 1v,33 it est malum scientes die sint dâ zuo gesetzet daz sie den mennischen mugen
die in den
- 1v,34 luften werdent gewîzeget unz an den jungesten tac . von deme lufte nement
- 1v,35 sie den lîp sô sie uns erschînent . von dem mânen unz an daz gestirne . sô
ist der eter
- 1v,36 viur . die engele sint dâr inne die sint dâ zuo gesezet daz sie die mennischen
bewaren .
- 1v,37 dô . sprach . der . meister . sumelîchiu buoch sprechent mîn trehtîn hæte
geschaffen ein
- 1v,38 vile liechez wolken dâ von diu werelt was entlûhtet . dô . sprach . der .
jungere . wâ wart
- 1v,39 Adâm geschaffen . dô . sprach . der . meister . in der stat diu heizet Ebron
. dâ erstarp er ouch . dô er geschaffen
- 1v,40 wart dô tet in got in daz paradîse . dâ gap er namen allen den dingen
- 1v,41 die got geschaffen hæte . dô . sprach . der . jungere . wâ wart Eva geschaffen
. dô . sprach . der . meister . in dem paradîse
- 1r,1 ûzer Adâmes rippe . dô . sprach . der . jungere . wâ ist daz paradîse . dô .
sprach . der . meister . daz paradîse
- 1r,2 ist ôstert in dirre werelte unde alsô nâhe in deme himele daz ez hôher ist
denne diu
- 1r,3 erde dô . sprach . der . jungere . sô lange sô daz paradîse ûfe dirre erde ist
wâr umbe ne mûgen
- 1r,4 wir dâr in niht komen . dô . sprach . der . meister . dâ stât grôz gebirge
vore unde gewelde unde
- 1r,5 sôgetân nebel daz nieman dâr in mac komen wan mit guoten werken . dô .
sprach .
- 1r,6 der . jungere . wie lange was Adâm in dem paradiso . dô . sprach . der .
meister . niht wan siben wîle .
- 1r,7 dô . sprach . der . jungere . daz obez daz in deme paradîse was daz was
durh den mennischen geschaffen .
- 1r,8 wâ zuo sol daz obez nû . dô der mennische dâr ûz verstôzen wart dô . sprach
. der . meister . daz
- 1r,9 obez wehset umbesus niht . ez niezent die heiligen geiste die in dem
paradîse sint .
- 1r,10 dô . sprach . der . jungere . die geiste bedurfen ezzenes noch trinkenes niht
wan swer izzet der muoz
- 1r,11 daz ezzen dôuwen . dô . sprach . der . meister . nû redes dû von deme
lîplîchen ezzenen . des en spulget
- 1r,12 nieman in dem paradîse . wan also die sêle geistlich sint alsô ist ouch daz
ezzen geistlich . dô sprach . der . jungere . wie dôuwent sie daz ezzen . dô
- 1r,13 . sprach . der . meister . also daz wazzer

- 1r,14 von der sunnen truckenet . dô . sprach . der . jungere . wie solten die
mennischen haben gekindet
- 1r,15 obe sie vollestanten wæren in deme paradîse dô . sprach . der . meister .
alsô dâ man zwô hende
- 1r,16 zesamene leit âne gelust unde âne sünde . dô . sprach . der . jungere . wie
lange lebete Adâm dô . sprach . der . meister .
- 1r,17 niun hundert jâr . unde drîzic jâr . dô erstarp er ze Jerusalêm dâr nâch wart
er begraben
- 1r,18 in Ebron . unde wart diu selbe gruobe mit ime ervüllet . dâ er ûz geschaffen
- 1r,19 wart . dô . sprach . der . jungere . wie alt was Abel dô in sîn bruoder
ersluoc . dô . sprach . der . meister . dô er was drîzic
- 1r,20 jâr alt dô wart er ze Damascô erslagen . dô . sprach . der . jungere . wer
was der êrste man der ie
- 1r,21 der gezelte began . dô . sprach . der . meister . daz was Jobel . Lameches
sun der hæte einen bruoder der
- 1r,22 hiez Jobal . der was der êreste der ie musicam vant . der dritte bruoder was
der êreste
- 1r,23 man der ie smiden began mit îsene unde mit êre . die selben drîe bruoder
hatten eine
- 1r,24 swester diu hiez Neomina diu vant allerêrest den list daz die liute begonden
- 1r,25 weben . dô . sprach . der . jungere . wer was der êreste küninc nâch der
sintvluot . dô . sprach . der . meister . daz was
- 1r,26 Sem Nôês sun . der wart sît geheizen Melchisedech . in des künigen zîten
wurden
- 1r,27 die liute geteilet in driu . von Seme komen die vrîen von Javet komen
- 1r,28 die rîtare . von Kam komen die eigenen liute . dô . sprach . der . jungere .
wir sulen dise rede
- 1r,29 die wîle lâzen belîben unde solt dû mir sagen von der ordenunge dirre
werelte .
- 1r,30 dô . sprach . der . meister . disiu werelt ist sinewel unde ist umbevlozen
mit dem wendelmer dâr
- 1r,31 inne swebet diu erde also der toter in dem wîzen des eies . dô . sprach . der
. jungere . wâ von
- 1r,32 wirdet diu erde gevestenet daz sie niene mac gewîchen . dô . sprach . der .
meister . die erde habet
- 1r,33 niht wan der gotes gewalt wan sie swebet in deme sintgewæge . unde rinnet
- 1r,34 des wazzeres sô vile dâr umbe swer obene in den luften wære den dûhte
- 1r,35 diu erde niht breiter denne ein pfenninc . twerhes durh die erde gênt löcher
- 1r,36 diu heizent dracones dâr inne rinnent diu wazzer dâ von wirdet diu erde
alliu
- 1r,37 gevuotet . dô . sprach . der . jungere . wâ von kument die ursprunge . dô .
sprach . der . meister . dâ diu wazzer
- 1r,38 ûzer dem mer rinnent under der erde in den drachen . sô daz loch daz dâ
- 1r,39 heizet trache ende genimet sô brichet daz wazzer über die erde unde rinnet
- 1r,40 iemer mêre unze iz hin wider kumet in daz mer von diu sprechent diu
- 1r,41 buoch daz alliu wazzer rinnen widere ze ire rehteme ursprunge dô . sprach
der . jungere .

- 1v,1 nû sage mir wie diu werelt sî geteilet . dô . sprach . der . meister . ein
strâze gât in mitten durh
- 1v,2 die werelt . diu ist sô verbrennet von der sunnen daz dâ neheines
mennischen wesen
- 1v,3 mac gesîn . die ûzeren strâze zwô die sint sô unerbouwen alsus solt dû daz
1v,4 merken daz dirre werelt niht erbûwen ist wan daz drittteil alsô
1v,5 dâ vor dir gemâlet ist dô . sprach . der . jungere . wie ist daz selbe
1v,6 drittteil geteilet daz wir dâ bûwen . dô . sprach . der . meister .
1v,7 diu werelt ist in driu geteilet daz eine heizet
1v,8 Asia daz ander heizet Europa . daz
1v,9 dritte heizet Africa . dô . sprach . der . jungere . nû
1v,10 sage mir von deme teile daz dâ heizet
1v,11 Asia . dô . sprach . der . meister . Asia hebet sich dâ
1v,12 diu sunne ûf gât unde gât norderenthalt
1v,13 an daz mer . in dem teile ist daz paradîse
1v,14 rehte dâ diu sunne ûf gât . in dem paradîse
1v,15 springet ein brunne dâ rinnent ûz
1v,16 vier wazzer . daz eine heizet Fyson in dem paradîsô
1v,17 sô iz denne dâr ûz kumet sô heizet Ganges . daz ander heizet
1v,18 Geon . sô ez denne ûz deme paradîse kumet sô heizet ez Ganges . daz dritte
1v,19 heizet Tigris daz vierde Eufrates . diu zwei verwandelent ire namen niht .
1v,20 dô . sprach . der . jungere . rinnent diu wazzer durh daz paradîse . dô .
sprach . der . meister . zwei wazzer sint
1v,21 sô grôz runnen sie durh daz paradîse sie verderbeten ein michel teil . wâ
von sagent
1v,22 uns diu buoch daz diu wazzer rinnen in dem paradîse under der erde . sô
siu denne
1v,23 dâr ûz koment sô brechent sie über die erde . dô . sprach . der . jungere .
nû sage mir wâ
1v,24 springent diu wazzer . dô . sprach . der . meister . daz eine heizet Ganges
. daz springet in India
1v,25 ûzer eineme berge der heizet Orkobare unde rinnet ôstert in daz
wendelmer .
1v,26 daz ander heizet Nilus daz springet ûzer eineme berge der heizet Atlas unde
1v,27 vellet alsô balde in die erde unz an daz rôte mer dâ hât iz – zwêne ursprunge
1v,28 unde rinnet alsô durh Môrlant . unde durh Egiptelant . dâ gewinnet ez
siben aberunse
1v,29 unze hin ze Alexandria dâ vellet ez in daz michel mer . Tigris unde Eufrates
1v,30 diu springent beidiu in Normenia ûz eineme berge der heizet Parchoatra
1v,31 unde rinnent beidiu sunder in daz mer . dô . sprach . der . jungere .
welichez lant lît dem paradîsô
1v,32 allernæhest . dô . sprach . der . meister . alse diu buoch sagent in daz
paradîse en mac nieman
1v,33 komen wan mit guoten werken . dâ gêt ein mûre umbe diu reichet in den
1v,34 himel dâ vore stênt berge unde gewelde . dâ nâch lît ein grôz wüeste . diu
ist vol
1v,35 trachen unde tiere . von diu ne mac nieman dâ durh komen . dâr nâch lît
ein lant

- 1v,36 allernæhest daz heizet India daz lant heizet nâch eineme wazzere daz heizet
 1v,37 Indus daz springet ûzer eineme berge der heizet Cacasus daz wazzer
 1v,38 rinnet sunder an daz rôte mere . in daz lant ist müelich ze komenne wan
 einhalp
 1v,39 rinnet daz wendelmer anderhalp Indus . unde ist sô michel gewelde daz
 1v,40 nieman in vier enden dâ durh mac komen . in India ist ein insula diu heizet
 1v,41 Taprobanes dâ rinnet daz mer umbe dâ ligent inne zehen bürge . in der

 1r,1 ein stât Ninivê diu ist drîer tageweide wît in dem selben lande ist Babilônia
 1r,2 die zimberete ein gîgant der hiez Nemrot . diu burcmûre diu ist vûnvzic
 elln
 1r,3 breit unde zwei hundert elln hôch unde ist diu burc vier hundert mîle unde
 sibenzic

 2r,1 wît . dâ giengen in hundert êrîn burctor . in dem lande ist ein gegene diu
 2r,2 heizet Arabia unde Sâbâ dannen kumet daz wîrouch . dâ lît der berc Orep
 dâ Moisi
 2r,3 diu ê wart ûfe gegeben . dâr nâch lît ein lant daz heizet Syria dâr inne lît
 ein
 2r,4 burc Damascus die zimberete Abrahames geswige dâr inne lît ein berc der
 heizet
 2r,5 Libanus dâr ûz springet der Jordân . in dem lande ist Scalûne . in dem
 selben
 2r,6 lande lît Jerusâlêm die zimberete Sêm Nôês sun . dâr nâch hebet sich ein
 lant
 2r,7 daz heizet Palestina dâ swebet daz rôte mer daz ist alse lûter daz dechein
 visch ist
 2r,8 sô kleine an dem grunde der obe deme wazzer ist den dunket daz er in
 mohte
 2r,9 gevâhen mit der hende . anderhalp an dem rôten mer dâr lît ein burc diu
 heizet Thêbene
 2r,10 dâ inne wart sancte Mauritius herzoge . an daz selbe lant stoezet ein berc
 der heizet Kaukasus
 2r,11 der reichet anderhalp an daz rôte mer . ûf dem berge sint wîp die heizent
 amazônes
 2r,12 die vehtent alse die rîtare . dâ bî ist ein burc diu heizet Seres dâ vindet man
 2r,13 die allerbezziste sîde . dâ bî ist ein walt der heizet Ircana dâ inne sint vogele
 die
 2r,14 schînent nahtes alse daz viur . dâ bî sint zwêne berge die heizent Armenia
 . dâ stêt
 2r,15 ûfe Nôês arke . daz holz en mac nieman mit neheineme viure gewinnen .
 dâ
 2r,16 lît ein gegene diu heizet Capadocia dâ gewinnet diu stuote rosvolen von
 deme
 2r,17 winde . die volen werdent niht denne drîer jâr alt . dâ bî ist diu minnere
 Asia
 2r,18 dâ inne ist Ephesus dâ sancte Johannes restet . dâr nâch ist Frigia dâ lît diu
 mære

- 2r,19 Trôja . dâ bî lît Lycaonia dâ rinnet ûz ein wazzer daz heizet Hermus dâ bî vindet
- 2r,20 man güldîne grieze . dâ bî rinnet Ponticum daz mer dâ lît ein insula diu
- 2r,21 heizet Pont . dâ in wart Ovidius unde sancte Clemens versant . disiu lant ligent
- 2r,22 alliu in Asia . daz ist daz dritte teil dirre werelte dô . sprach . der . jüngere . nû sage mir von deme
- 2r,23 anderen teile der werelte . dô . sprach . der . meister . daz ander teil heizet – Europa .
- 1v,1 Kartago . Lusitana . Galatia . Betica . Twinget . die stete habent alle namen von den grôzen
- 1v,2 bürgen die dâ inne ligent . dâ hât Hispania ein lant daz lît vile nâhe dem
- 1v,3 mere . ze deme lande hoeret Britannia unde Ængellant . Ibernica unde Tanatos
- 2v,1 ûz der insula swaz holzes brâht wirdet daz vertribet daz eitergift daz
- 2v,2 ez endet . êr . ez iemer bekomet in deme lande ist ein gegene diu heizet Schottia
- 2v,3 obe dem lande wendet sich diu sunne . umbe der sunnen wenden ist dâ vierzic
- 2v,4 tage stæticliche tac umbe wîhenachten ist alsô lange naht . dâ bî ist ein insula .
- 2v,5 alle die boume die in der sint die verlânt niemer loup . dô . sprach . der . jüngere . nû hâs dû mir
- 2v,6 geseit von den zwein teilen dirre werelte . nû sage mir von deme dritten teile
- 2v,7 daz dâ heizet Africa . dô . sprach . der . meister . Africa hebet sich an dem wazzere daz dâ heizet Indus unde
- 2v,8 reichet westert an daz wendelmer . in dem teile sint micheliu lant . Libia daz
- 2v,9 ist vol wûrme . dâ bî lît ein – – lant daz heizet Pentapolis . unde Brice . unde anderiu
- 2v,10 micheliu lant . dâ bî lît ein lant daz heizet Bizaze dâ inne sint zwô kreftige
- 2v,11 bürge diu eine heizet Idromeus diu andere Bizantium . dâ bî lît Ceusis unde diu
- 2v,12 michel Kartago . dâ bî ist ein lant daz heizet Genilia unde Munda dâ inne hêrre
- 2v,13 was Jugurta . die liute in den landen die ezzen die ros . unde rouch der tiere . dâ bî
- 2v,14 ist daz Môrlant . in dem lande ist ein burc diu heizet Saba dannen was diu küniginne
- 2v,15 Saba . diu dâ kom ze Salomone . dâ bî ist ein burc diu heizet Garama
- 2v,16 dâ inne ist ein brunnen der ist tages sô kalt daz in nieman mac getrinken
- 2v,17 unde des nahtes sô heiz daz in nieman gerüeren mac . bî deme Môrlant ist ein
- 2v,18 michel wüeste . diu ist vol trachen unde natûren . an daz lant stoezet daz wallente

- 2v,19 mer daz ist sô verbrennet von der sunnen daz iz wellet alse ein kezzel . in
 2v,20 dem selben wallenten mer ist der hôheste berc der in der werelte ist der ist
 sô hôch
 2v,21 daz er über diu wolken gêt der heizet Atlas dâ en ist der werelte niht mêre
 . nû
 2v,22 haben wir geseit wie dise werelt geteilet ist . nû sulen wir sagen von den
 inselen
 2v,23 die in dem mere sint . dô . sprach . der . jungere . daz verneme ich gerne
 wan got
- 2r,1 hât micheliu wunder in den inselen verborgen . dô . sprach . der . meister
 . diu êrste –
 2r,2 diu heizet Ciprus dâ bî lît einiu diu heizet Vleos diu ist vol edeles goldes dâ
 2r,3 bî ist einiu diu heizet Delos daz was diu êrste diu nâch dem sintgewæge .
 êr .
 2r,4 in dem mer lac . dâ bî lît Param dannen kumet der allerbezziste marmelstein
 sardius
 2r,5 dâ bî ist ein insula diu heizet Samus dannen was Sybilla geboren . dâ bî
 2r,6 ist ein insula diu heizet Sicilia dâ inne ist ein berc der heizet Etna . ûz deme
 2r,7 berge sihet man den swebel brennen dâ werdent die sêle inne gewîzeget .
 2r,8 in dem mere sint zwêne berge der eine heizet Scylla der ander Caribdis
 2r,9 an die stete en kumet dechein schef ez en sî verloren . dâ bî ist ein insula
 2r,10 dâ sint inne smide . daz sagent diu heidenischiu buoch . daz die smident
 die
 2r,11 donerstrâle wan diu insula diu ist volliu viures unde stênt die smide
 enmitten
 2r,12 in deme viure . die smide heizent Ziklopes in der selben inselen was
 2r,13 Vulcanus der der helle porte pfliget . unseriu buoch wellent daz iz tiuvele
 2r,14 sîn unde sie die sêle wîzegen . dâ bî ist ein insula diu heizet Sardinia dâr
 inne
 2r,15 zimberete der küninc Sardinus eine vile veste burc . in der insula wirdet
 2r,16 weder nâtere noch wolf geboren . in der ist ein wurm der heizet Solifuga
 der
 2r,17 ist als ein spinne vore dem wurme en mac nehein mennische genesen . in
 der
 2r,18 insula ist ein krût . swer daz krût geizzet der lachet sînes undankes unz er
 2r,19 tût lît . in der insula ist ein brunne swelich sieche des brunnen getrinket
 der
 2r,20 wirdet gesunt . unde swelich diep des brunnen getrinket der muoz als balde
 erblinden .
 2r,21 dâ bî ist ein insula diu heizet Balgares dâ wurden die slangen allerêrst
 2r,22 vunden . in der insula sint niuwan wîziu schâf ûzer der wolle wûrket man
 2r,23 den allerbezzisten purperfellôr . dâ bî was ein insula diu – – besanc
 2r,24 mit liute betalle diu was mêre danne zehen lant dâ swebet nû daz lebermer
 .
 2r,25 dâ bî ist ein insula dâ inne ist ein holz daz heizet ebênus . daz en vûlet
 niemer . daz

- 2r,26 verbrennet niemer bî der ist ein burc diu heizet Sine dâ bî gruop man hier
bevore
- 2r,27 einen brunnen . der was sehsziger elln tief der was sô wîslîche ergraben
- 2r,28 daz diu sunne rehte an den grunt schein . in dem wendelmer ist ein insula
diu
- 2r,29 heizet Proditâ . diu ist eben schoene unde eben grüne unde wehset eben
süeze also daz
- 2r,30 paradîse in die inseele kumen eines heilige liute von geschichte der gewant
- 2r,31 smahte nâch dem smacke vûnvzehen jâr . niemer sît ne mohte dechein
mennische
- 2r,32 dâr in kumen unz got den guoten sancte Brandanum dâr in sande . nû
- 2r,33 hân ich dir geseit – wie disiu werelt geschaffen ist unde wie sie geteilet ist
. swes
- 2r,34 dû mich nû vrâgest des berihte ich dich gerne mit gotes helfe . dô . sprach
der . jungere . nû
- 2r,35 hât dû mir geseit daz von dem mânen unz an – daz gestirne daz der ether
viurîn
- 2r,36 sî . unde under dem viure gevrorenez wazzer sî . daz sage mir wie daz kumen
- 2r,37 sî . dô . sprach . der . meister . dich en darf niht wunderen swaz got mit
sînen wunderen
- 2r,38 tuot . ouch sagent uns diu buoch . daz daz viur von ime selben neheine
- 2r,39 krefte ne habe . ez en habe die viuhten materje sô wirdet ez allerêrest heiz .
- 2r,40 daz solt dû merken bî der sunnen sô diu ie tiefer nider schînet in daz tal .
sô siu
- 2r,41 ie hôher ist . sô siu ie küeler ist . dô . sprach . der . jungere . wie sulen wir
daz merken . dô . sprach . der . meister .
- 2v,1 wir sehen wole daz der snê ûf den hôhen bergen niemer zergât in dem tale
ist – er
- 2v,2 schiere enwec . dô . sprach . der . jungere . weliche natûre hât daz wazzer
. dô . sprach . der . meister . daz wazzer
- 2v,3 hât drîe natûre ez ist nabilis . lavilis . potabilis . daz diutet daz man dâ inne
swimmt .
- 2v,4 daz man dâ mite weschet unde daz man daz trinket . dô . sprach . der .
jungere . wie stât ez umbe
- 2v,5 daz mer . dô . sprach . der . meister . daz mer wandelet sîn natûre mit dem
mânen . sô der mâne
- 2v,6 wehset sô gêt daz mer ûz siben tage . sô der mâne abe nimet sô vellet daz
mer zesamene
- 2v,7 siben tage . dô . sprach . der . jungere . wâ von kumet daz . dô . sprach .
der . meister . in dem mer sint vile grôze
- 2v,8 berge unde gêt in daz gebirge . vile grôziu löcher sô daz wazzer an dem
grunde
- 2v,9 vihtet in diu löcher sô hebet sich diu welle an deme grunde diu welle trîbet
daz
- 2v,10 mer über daz stat . der selbe strît ergât an dem sibenden tage sô stille denne
wirdet

- 2v,11 an dem grunde sô hebet sich daz mer zesamene siben tage alsô kumet daz daz
- 2v,12 daz mer niemer geruowet . dô . sprach . der . jungere . wâ von kument die winde . dô . sprach . der . meister . der
- 2v,13 meisten winde sint viere . die heizent cardinales von der iegelîcheme koment
- 2v,14 zwêne die heizent collaterales . daz wendelmer vellet in vier ende an daz apgründe .
- 2v,15 dâ daz sintgewæge denne stoezet zesamene dâ wirdet ie von deme stôze
- 2v,16 der wint . sô die vier winde denne obene in deme luften zesamene stôzent sô
- 2v,17 werdent sie sô kreftic daz ir zwelive werdent . ouch sint manige lant dâ inne
- 2v,18 sint vile grôziu löcher sô der luft denne dringet in diu löcher sô dringet der ander luft
- 2v,19 dâr ûz . dâ vone koment die anderen winde . die tagelîche bî uns sint . dô . sprach . der . jungere .
- 2v,20 wie kumet ez umbe daz lant Siciliam . dô . sprach . der . meister . Sicilia daz lant ist under der erde
- 2v,21 sô hol . unde ist swebeles sô vol . daz ez riuchet . unde in manigen steten daz viur hôhe ûf
- 2v,22 brinnet . daz kumet dâ von . daz diu erde durh vûl ist . unde slehet der helle toum durh
- 2v,23 die erde . dô . sprach . der . jungere . in dem mer ist ein stat dâ bellent hunde under dem wazzere
- 2v,24 daz sage mir wie daz kome . diu selbe stat heizet Scylla daz sagent diu buoch daz daz
- 2v,25 mer an der stete in die helle valle . sô wirdet daz gedoeze sô dicke dâ daz mer vellet
- 2v,26 durh die schroven . daz die scheffiute des dunket daz die hunde bellen in dem wazzere .
- 2v,27 dô . sprach . der . jungere . wâ von kumet der vrost . also diu hitze kumet von dem viure .
- 2v,28 alsô kumet diu kelte von deme wazzere . unde swenne uns diu sunne nâhe ist
- 2v,29 sô haben wir die hitze . sô sie uns denne verre ist sô haben wir den vrost . von disen
- 2v,30 dingen teilet sich daz jâr . in dem sumere unde – in dem wintere . dô . sprach . der . jungere .
- 2v,31 sît diu sunne des summers sô nider ist unde des winteres sô hôhe wie kumet
- 2v,32 ez danne daz die tage des summers sint sô lanc des winteres aber sô kurz . dô . sprach .
- 2v,33 der . meister . disiu werelt ist rehte sinewel unde sîn wir rehte an der lenge dirre werelte . sô diu
- 2v,34 sunne allerniderest gêt sô löufet sie rehte obe uns sô sehen wir sie allerlengest sô ist
- 2v,35 uns der tac lanc des winteres sô löufet sie allerhoechst in dem himele sô dunket uns
- 2v,36 daz sie twerhes loufe . sô ist sie schiere under die erde . daz wir ir niht sehen . sô haben

- 2v,37 wir danne kurzen tac . dô . sprach . der . jungere . wie kume daz diu sunne
sô twerhes löufet in dem
- 2v,38 himel . dô . sprach . der . meister . der himel ist sinewel an ime löufet diu
sunne unde daz gestirne unde
- 2v,39 löufet ir dewederez die strâze die daz andere löufet . sô diu sunne löufet die
twerhe
- 2v,40 sô löufet daz gestirne die rihte wan liefen sie eine strâze sô irrten sie
einanderiu .
- 3r,1 daz sie alliu zerbreten . durh waz geschuof got diz alsô . dô . sprach . der
. meister . alsô verre sô von der erde
- 3r,2 ist unz an den mânên drîe stunte alsô verre ist von der sunnen unz an daz
gestirne . von
- 3r,3 diu hât daz gestirne allermeiste kraft wan der himel ime allernæhest ist .
swaz diu
- 3r,4 sunne krefte hât diu wandelet sich nâch dem gestirne . der strâzen sint
zwelive an deme
- 3r,5 himele dâ diu sunne inne löufet über jâr . die strâzen heizent diu buoch
zwelif zeichen
- 3r,6 daz sint die zwelif mânôde . in iegelîcheme mânôde wandelet sich diu sunne
3r,7 nâch dem zeichene . daz in der strâze löufet . daz hât got durh daz
geschaffen wan
- 3r,8 liefe diu sunne stæticlîche in eineme zeichene sô verwandelete sich daz jâr
niemer
- 3r,9 sô hæten wir iemer sumer oder winter . sô lange sô diu sunne niemer kumet
ûz
- 3r,10 den zwelif zeichenen wie kumet daz die mânôde alliu jâr niht gelîch sint .
dô . sprach . der . meister die
- 3r,11 zwelif zeichen sint sumelîchiu hôhe sumelîchiu nidere . sô sint die plânêten
dâr obe .
- 3r,12 dâr nâch wandelent sich diu zeichen . swelicher natûre daz gestirne ist daz
allernæheste
- 3r,13 deme zeichene denne löufet . dâr nâch wandelet sich der mânôt . dô .
sprach . der . jungere .
- 3r,14 nû sage mir von den plânêten . dô . sprach . der . meister . der plânêten
sint sibene alsô manigen tac
- 3r,15 haben wir in der wochen der allermínneste ist der mâne dâr nâch diu sunne
. die
- 3r,16 zwêne dient uns allermeist . die anderen vünve loufen under deme
gestirne . der
- 3r,17 eine heizet Saturnus der löufet sô hôhe in dem himele daz er drîzic jâr löufet
ê daz er sînen
- 3r,18 louf ervülle . der ander heizet Venus der löufet zwei jâr . den sternem heizen
wir den
- 3r,19 âbentsternen unde den morgensternen . dô . sprach . der . jungere . wie
mac daz sîn daz der eine sterne
- 3r,20 sîe beidiu âbentsterne unde morgensterne . dô . sprach . der . meister .
sumelîche sprechent daz der

- 3r,21 selbe sterne daz eine jâr vore der sunnen loufe daz ander dâr nâch . dô .
sprach . der . jungere . welich sterne
- 3r,22 ist denne der morgensterne . sô Venus ist der âbentsterne . dô . sprach .
der . meister . daz ist der
- 3r,23 vünfte plânête den heizen wir Martem der ist Veneri sô gelîch daz sie
nieman bî einanderen
- 3r,24 wole erkennen mac . sumelîchiu buoch sprechent daz der selbe sô unmâzen
hôch
- 3r,25 in dem himele gê daz wir in sehen des morgenes vore der sunnen unde
âbendes nâch der
- 3r,26 sunnen . dô . sprach . der . jungere . nû vollesage mir von den plânêten .
dô . sprach . der . meister . der sehste plânête
- 3r,27 heizet Mercurius der löufet siben jâr von dem sternem sagent uns diu buoch
. daz er wîstuomes
- 3r,28 pflege . wie daz kome daz sage ich dir her nâch . der sibende plânête heizet
Mercurius
- 3r,29 der löufet zwelif jâr der gêt nâch dem Saturne allerhoehest . dô . sprach .
der . jungere . welicher michele
- 3r,30 sint die plânêten . dô . sprach . der . meister . die philosophi ahtent den
mânen daz er also breit sî same
- 3r,31 diu bloeze dirre werelte unz an daz wazzer daz daz sintgewæge bedecket hât
sô ist diu sunne
- 3r,32 zwirent also breit . also breit sô diu sunne ist also breit sint die plânêten .
dô . sprach . der . jungere .
- 3r,33 wie dunket uns denne die sternem sô smal . dô . sprach . der . meister . daz
machet diu michele hoehe
- 3r,34 wære diu sunne alsô hôch sô die sternem sô dûhte sie uns als smal . sô daz
gestirne . dô .
- 3r,35 sprach . der . jungere . welicher natûre ist daz gestirne . dô . sprach . der .
meister . daz ist wizzentlîche von der schrift
- 3r,36 daz die sêle koment von gote der ist obe dem gestirne sô diu sêle denne vert
durh
- 3r,37 daz gestirne . bî swelicheme sternem sie denne allernæhest vert von dem
sternen vâhet
- 3r,38 sie die natûre . dô . sprach . der . jungere . wie kumet daz . dô . sprach .
der . meister . sumelîche sternem sint
- 3r,39 kalter natûre . sumelîcher nazzere sumelîche truckener . sumelîche heizer .
—
- 3r,40 die selben natûre ziuhet der mennische von dem gestirne . swelich
mennische ist
- 3v,1 kalter unde truckener natûre der swîget gerne unde ist ungetriuwe
swelichez ist kalter
- 3v,2 unde nazzere natûre der redet vile unde ist lancræche unde verseit lîhte .
swer heizer unde
- 3v,3 truckener natûre ist der ist gâchmuote unde küene unde hât gerne vile wîbe
unde ist an

- 3v,4 der minne unstæte . swelicher heizer unde nazzter natûre ist der ist der bezzisten natûre
- 3v,5 unde ist gerne riuwelich unde milte unde minnet vile diu wîp unde ist doch stæte unde lieb an
- 3v,6 der minne . dâ von sprechent diu buoch daz der sterne der – wir dâ heizen Martem .
- 3v,7 des urlouges pflege wan er ist heizer unde truckener natûre . diu natûre kumet
- 3v,8 rehte ze deme urlouge . diu heidenischiu buoch sagent daz Venus der minne pflege wan der sterne ist heiz unde naz . diu natûre kumet ze der minne allerbezziste .
- 3v,9
- 3v,10 dô . sprach . der . jungere . nû sage mir von dem mânen . dô . sprach . der . meister . der mâne ist allerninnest
- 3v,11 under den plânêten er löufet ouch allerniderest bî der erde . von diu rihtet sich diu
- 3v,12 werelt alliu nâch dem mânen . dô . sprach . der . jungere . wie kumet daz . dô . sprach . der . meister . diu himelische natûre
- 3v,13 ist sô starc daz siu die irdische überwindet . ouch hân ich dir geseit daz der mâne
- 3v,14 alsô breit sî same alle disiu erde sô nimet der mâne die kraft von der sunnen . von
- 3v,15 diu ist ez dechein wunder daz sich daz mere unde daz mennische rihtent nâch deme
- 3v,16 mânen wan der mâne ist ûz den selben elemenden geschaffen . dô . sprach . der . jungere . wie kumet
- 3v,17 daz daz der mâne zuo nimet unde abe nimet dô . sprach . der . meister . dô die plânêten
- 3v,18 wurden geschaffen dô gevieng der mâne des wazzeres unde der erden ze vile . von diu muoz
- 3v,19 sich diu erde unde wazzer rihten nâch dem mânen . ouch ne hât er nehein licht
- 3v,20 von im selben – – – – – . wan als er nimet von der sunnen .
- 3v,21 swenne er nâhe ist bî der sunnen sô wirdet er licht unde vol . sô er denne von
- 3v,22 deme sunnen kumet sô erlischt ime daz licht unde nimet abe unz im diu sunne
- 3v,23 beginnet nâhen sô nimet er aber zuo dô . sprach . der . jungere . wie kumet daz der mâne
- 3v,24 diu selben zeichen löufet die diu sunne löufet unde doch der mâne der sunnen niht gevolgen
- 3v,25 mac . dô . sprach . der . meister . ez loufet diu sunne die krümbe der mâne die sinewelle . wan
- 3v,26 diu zeichen die diu sunne durhlöufet in dem jâr die durhlöufet der mâne in iegelîcheme
- 3v,27 mânôde . unde in dem zeichen dâ diu sunne inne ist ein mânôt . dâ ist der mâne
- 3v,28 inne niht wan einen tac dô . sprach . der . jungere . waz ist der swarze vleck daz wir in deme

- 3v,29 mänen sehen . dô . sprach . der . meister . alse der mâne daz lieht hât von
der sunnen als hât er ouch
- 3v,30 die hitze von diu kumet daz swie vol der mâne werde iedoch belîbet iemer
- 3v,31 der alten kelte ein teil in dem liehte . daz ist daz swarze in dem mânen . dô
. sprach . der . jungere .
- 3v,32 waz spriches dû dâ von sô sich der mâne verwandelet . dô . sprach . der .
meister . sô der mâne wirdet
- 3v,33 vierzehen tage alt sô kumet iz vile dicke daz diu sunne ist einhalb der mâne
- 3v,34 anderhalb unde gestênt als gelîche obe ein rige gienge durh die erde sie
gienge
- 3v,35 rehte von der sunnen durh den mânen . sô ist diu sunne sô kreftic daz sie
dem
- 3v,36 mänen sînen schîn betûret daz er wirdet rô . swenne er sich verwandelet
- 3v,37 sô daz er hôhe stât an dem himele daz kumet von den gotes wunderen . daz
- 3v,38 bezeichnenet ein weterhagel oder sterbôt oder slaht oder strît in dem rîche .
dô . sprach .
- 3v,39 der . jungere . waz spriches dû von der cometa . dô . sprach . der . meister
. cometa ist ein sterne der
- 3v,40 selbe sterne erschînet niemer wan sô sich daz rîche wandelen sol . den
sternen
- 3v,41 sol man kiesen daz er den schime von im sendet alse der mâne . der sterne
–[...]
- 4r,1 –[...] – der mennische solte mit der marter erlediget werden dô mohte got
wole einen
- 4r,2 heiligen mennischen oder ein engel gesendet haben der vûre den
mennischen gemarteret
- 4r,3 würde . dô . sprach . der . meister . daz ist reht swer ein dinc koufet daz er
daz vûre eigen
- 4r,4 habe . von diu der mennische in des tiuveles gewalt – mit sîner
ungehôrsame geviel
- 4r,5 swelich engel in ûz der gewalt gekoufet hæte des eigen solte er von rehte
sîn .
- 4r,6 von diu wolte got des niht . daz in dechein engel dâr ûz erledigete wan er
selbe .
- 4r,7 wan er wolte des niht daz sîn hantgetât under iemannes gewalt wære wan
- 4r,8 under sîn selbes gewalt . nehein mennische mohte die werelt erledigen wan
er
- 4r,9 was in der selben gevangnisse dâ Adâm in gevallen was . ouch was diu
allermeiste
- 4r,10 sache daz got gemarteret wart daz er wolte erzeugen die grôze liebe die
- 4r,11 er ze deme mennische hæte . unde daz er den tiuvel dâ mite wolte schenden
daz er
- 4r,12 den mennischen vuorte über die engele die in verrâten hæten . dô . sprach
. der . jungere . waz was
- 4r,13 diu êrste sünde diu ie begangen wart in der kristenheit dô . sprach . der .
meister . wan daz Adâm

- 4r,14 geviel sô was diu êrste sünde der nît dô Kain sînen bruoder sluoc vore nîde
 . daz –[...]
- 4v,1 –[...] diu edelen steine vüre diu swîn die sint niht deste unedeler . daz sie
 unschône ligent
- 4v,2 unde en mûgen ir diu swîn doch dechein nütze haben . als kumet ez umbe
 4v,3 daz heilige ambaht . ez en ist niht deste minnere daz ez der mennische
 begêt der süntic ist . daz
- 4v,4 iedoch vile selten werden mac . wan daz er des lônnes harte geirret ist den
 4v,5 er dâ vone gewünne . obe er sich ez rehte verstüente . der heiligen
 bezeichnungen
- 4v,6 die er dâ begêt . dô . sprach . der . jungere . wie stêt ez umbe die leien die
 der grôzen
- 4v,7 bezeichnungen sich niht verstên können noch en mûgen . dô . sprach . der
 . meister . ein dinc
- 4v,8 ist des der mennische niht wizen mac . daz ander daz der mennische verlât
 4v,9 von sîn selbes unruochesheit . swes der mennische niht en weiz . des sol er
 vrâgen
- 4v,10 mac er ez niht verstân sô ne wîzet ez im got niet . swelich mennische
 4v,11 aber von sîn selbes ruochesheit lât daz ez niht lernet von êwigen dingen
 4v,12 der wirdet schuldic wider got . wan er den sin den ime got verluhen hât an
 4v,13 im selben erstecket âne wuocher . ouch en mac nieman daz geminnen des
 er
- 4v,14 niht en weiz . unde des er niht erkennet . als ne mac der mennische nehein
 –[...]
- 5r,1 –[...] sêlen mit decheinen guottæten . erlediget niene mohte werden . wan
 mit deme opfer
- 5r,2 der messe . dô . sprach . der . jungere . waz spriches dû von den die mit
 ire spotte unde mit ire kôse stênt under
- 5r,3 der messe . dô . sprach . der . meister . des solt dû Ieronimum vrâgen der
 spricht swelich mennische unwirdicliche
- 5r,4 under der messe stê . der sî der juden genôz . die gotes spotteten . dô er an
 deme
- 5r,5 kriuze hangete . unde sî im sô vile grôzer sünde daz er ez wole weiz ze
 mîdende des wizen die juden niht .
- 5r,6 dô . sprach . der . jungere . waz spriches dû von dem opfer des wir dâ
 pflegen . dô . sprach . der . meister . der opfer sint
- 5r,7 zwei . daz eine bringet der priester vüre die kristenheit unde vüre sich selben
 daz ist daz
- 5r,8 vrône opfer . daz bezeichnenet Jêsum Christum . daz ander opfer ne mac
 nieman vüre sich
- 5r,9 selben bringen wan als ein iegelic vüre sich selben sendet . wan swenne
 wir opfern
- 5r,10 ze der messe sô nâch bileden wir sancte Mariusi Magdalêne . diu unsern
 hêren
- 5r,11 salbete dô er zuo der marter gie . “swer nâchbildic wære” spricht
 Augustinus “mit

- 5r,12 dem opfere der gewinnet ouch mit ir teil des lones ." dô . sprach . der .
jungere . nû sprechent sumelîche
- 5r,13 liute daz man ez der armen gebe daz wære bezzer . denne daz man ez deme
- 5r,14 priester opfere . dô . sprach . der . meister . die daz sprechent die gestênt
Iudae sîner boeser rede bî . -[...]
- 5v,1 -[...] antlâze begie . diu ampulla dâ man den krisemen des tages inne treit
. diu ist halbiu
- 5v,2 bedeckt unde halbiu bare daz diutet daz unser hêrre vore sîner marter
eteswenne
- 5v,3 sîne goteheit hal dô er in Egiptelande vlôch . eteswenne erzeigete
- 5v,4 er sich alsô daz er die tôten hiez ûfe stên . die bâre die man zuo dem
krisemen
- 5v,5 treit diu bezeichnenet die alten ê . sô man den krisemen denne gewîhet sô
entdeckt
- 5v,6 man die ampullam garlîche . daz bezeichnenet die vrôn urstende . des selben
- 5v,7 tages leitet man die schuldigen in den kirchhov daz bezeichnenet daz uns
Jêsus Christus
- 5v,8 des tages sînem vater ze hulden brâht hât mit sîneme lîchamen . dô . sprach
. der . jungere . waz
- 5v,9 bediutet unser hêrre dâ mite daz er sînen jungeren ire vuoze twuoc . dô .
sprach . der . meister . alle
- 5v,10 diu bezeichnenunge sîner diemüete daz er vore deme tische . stuont dô
bediutte er daz er von
- 5v,11 himelischen êren gevaren was . daz er die twehelen umbe sich gurte daz
diutet
- 5v,12 daz er die mennischheit an sich nam . daz er daz wazzer in daz becken gôz
daz diute
- 5v,13 daz er sîn bluot umbe uns vergôz . daz er in die vuoze twuoc . daz diutet
daz er uns die
- 5v,14 tagelîche sünde vergît . mit dem vrônen opfere .